

Powšitkowne WOZJEWJENJA

njedźelu, 29. junija 2025

Na Marije wopytanja do Róžanta

Na swjedženju Marije wopytanja, srjedu, 2. julija, su wěriwi ze serbskich wosadow na Božej mši do Róžanta přeprošeni. Kemše w putniskej cyrkwi budu w 9.00 hodź. kaž tež w 19.00 hodź.

Swjedźenske kemše w Hejnicach

W Hejnicach spominaja wutoru, 1. julija, na poswjećenje tamnišeje baziliki Marije wopytanja před 300 lěty. Litoměřicki biskop Stanislav Přibyl budže pontifikalnu Božu mšu w 16.30 hodź. swjećić. Nimo českeho chóra wobrubu ju tež chór něhdyšich čłonow 1. kulturneje brigady pod nawodom cyrkwinskeho hudźbneho direktora Friedemanna Böhme. Kemšam přizamknje so kermušny swjedženje. Wšitcy su wutrobnje přeprošeni.

Duchowna hudźba

Koncert w rjedže duchowneje hudźby budže njedźelu, 6. julija, we 18.00 hodź. w Budyskej tachantskej cyrkwi swjateho Pětra. Budyska sopranistka Sarah Keller zanjese spěwy a arije ze wšelakich dobow. Na pozitiwje piščelow přewodža ju Neritan Hysa z Choćebuza. Wšitcy su wutrobnje přeprošeni.

Ministrantska kopańca

Koparski turněr ministrantow ze serbskich wosadow budže sobotu, 30. awgusta, w Pěskecach. Započatk je w 9.00 hodź. z Božej mšu we wjesnej kapałce.

Dekanatny dzeń w Róžeńće

Wšitcy wěriwi su sobotu, 23. awgusta, na zhromadny dzeń Budyskeho dekanata pod hesłom „Marija – znamjo nadźije“ do Róžanta přeprošeni. Liturgiske zahajenje budže w 15.00 hodź. z wustajenjom Najswećišeho w putniskej cyrkwi. Hižo wot 14.00 hodź. poskićuja wosady kofej, jeli to same organizuja, dokelž so zahe na puć podaja. Štóz chce, móže piknikować. Wot 16.00 do 18.00 hodź. změja zamołwići pisany program wokoło cyrkwy spřihotowany, mjez druhim slagline – to je balansowanje na šěrokim pasu –, hry ze zmauwacym so rubiškom, paslenje, hermark a džěcacy program. W cyrkwi móža wopytwarjo hudźbje připosłuchać. Nimo toho budže tam přiležnosť, sakrament wujednanja w swjatej spowědži přijimać abo spowědnu rozmołwu wjesć. Dekanatny dzeń skónči z Božej mšu we 18.00 hodź. w Róžeńčanskej swjatnicy. Tón wječor předwječorne kemše w serbskich wosadach njebudu.

„Nóc tysac swěčkow“

Na zahrodźe klóštra Marijineje hwězdy w Pančicach-Kukowje dožiwa wopytwarjo sobotu, 19. julija, wot 19.00 hodź. zaso „Nóc tysac swěčkow“. Hač do zaswěćenja swěčkow poskića pisany program na jewišću, mjez druhim ze Smjerdžečanskej rejowanskej skupinu. Zastupne lisćiki su online na předań. Link k tomu je pod www.posol.de wozjewjeny.

Z busom do Krupki

Na putnisku Božu mšu srjedu, 23. julija, w 10.00 hodž. w Krupce pojedže zaso bus. Štóž chcył sobu jěć, měj so w Radworskim Šmitec-Schwarzec wozydłownistwje přizjewić, telefonowe čisło (03 59 35) 28 60.

Dworowy swjedzeń w Hrubjelčicach

Serbske ewangelske towarstwo a Maćijec swójba přeprošujetej wšitkich Serbow a dalšich zajimcow na lětnje pućowanje a serbski swjedzeń sobotu, 16. awgusta. Započatk je w 14.00 hodž. na Jaworkec/Maćijec dworje w Hrubjelčicach, Čěchorčanska 16. Wottam podadža so wobdžělnicy na pućowanje k pomnikej Marije Simonoweje w Dobruši a dale na hrodžišćo wsy. Po swačinje na dworje přizamknjetej so tam w 17.00 hodž. serbska ekumeniska nutnosť z dekanom Witom Šćapanom a Serbskim superintendentom Krystofom Rummelom kaž tež program ze skupinu Fünf an der Feier. W bróžni budže bifej z jědźemi přihotowany. Štóž chce k bifeju přinošować, njech něšto sobu přinjese. Přeprošeni su tež wšitcy, kotřiž chcedža hakle na nutnosť abo program přińć. Při sylnym dešču započnje so swjedzeń w 17.00 hodž. w Maćijec bróžni.